



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba
Трг правде 10, 76100 Брчко дистрикт Босне и Херцеговине; тел: 049/217-955; факс: 049/235-070; е-пошта: pkbd@pkbd.ba

Broj: SuPK-01-1040/22-I
Brčko, 09.09.2022. godine

NAPOMENA: Konkurs je objavljen u dva dnevna lista - „Dnevni avaz“ i „Glas Srpske“, te u „Službenom glasniku Brčko distrikta BiH“, broj: 33/22. Rok za podnošenje prijava na konkurs od 30 dana teče od 02.11.2022. godine do 01.12.2022. godine.

Na osnovu odredbe člana 14. stav (1) tačka i) Zakona o Pravosudnoj komisiji Brčko distrikta BiH („Službeni glasnik Brčko distrikta BiH“, br.:19/07, 20/07, 02/08, 4/21 i 6/21) i člana 7. Zakona o notarima Brčko distrikta BiH („Službeni glasnik Brčko distrikta BiH“, br.: 09/03 i 17/06), Pravosudna komisija Brčko distrikta BiH, na 239. redovnoj sjednici, održanoj dana 09.09.2022. godine, raspisuje

KONKURS
za izbor notara u Brčko distriktu BiH

1. Notar sa službenim sjedištem u Brčko distriktu BiH.....1 (jedan) izvršilac

▪ **Uslovi**

Za notara može biti imenovano lice koje kumulativno ispunjava sljedeće uslove:

1. da je državljanin Bosne i Hercegovine,
2. da ima punu poslovnu sposobnost i ispunjava opšte zdravstvene uslove za službenike organa uprave,
3. da je diplomiralo na pravnom fakultetu u Bosni i Hercegovini, ili prije 06.04.1992. godine, na pravnom fakultetu u bivšoj Jugoslaviji. Ukoliko je diploma stečena na pravnom fakultetu u nekoj drugoj državi, ovaj uslov se smatra ispunjenim nakon nostrifikacije diplome od nadležnog organa,
4. da je položilo pravosudni ispit u Bosni i Hercegovini, ili prije 06.04.1992. godine, u bivšoj Jugoslaviji. Ukoliko je pravosudni ispit položen u nekoj drugoj državi, ovaj uslov se smatra ispunjenim nakon priznavanja tog ispita od nadležnog organa u Bosni i Hercegovini,
5. da je položilo notarski ispit u Federaciji BiH ili Republici Srpskoj,
6. da nije osuđivano za krivična djela protiv čovječnosti i međunarodnog prava, službene ili druge dužnosti, ili za drugo krivično djelo izvršeno s umišljajem, koje u vrijeme imenovanja još nije brisano iz kaznene evidencije koju vodi nadležni organ, i
7. da nije član političke partije.

▪ **Izbor notara**

Za notara se mogu izabrati samo takvi kandidati koji su po svojim radnim i ljudskim kvalitetima dostojni ugleda notarske službe. Kod izbora između više kandidata koji ispunjavaju uslove za obavljanje službe notara, odlučujući kriterij je uspjeh postignut na notarskom ispitu. Kao drugi kriterij, Pravosudna komisija može propisima obavezati sve kandidate da polažu test o pravnim specifičnostima Brčko distrikta BiH. Identitet kandidata neće biti vidljiv iz testa. Za takav test neće se davati ocjena, kandidati će «položiti» test ili «pasti» na testu.

Izbor kandidata prijavljenih na konkurs mora se izvršiti najkasnije u roku od 30 dana od dana isteka roka za podnošenje prijave na konkurs.

Pravosudna komisija formira komisiju za sprovođenje konkursa, koja utvrđuje listu kandidata koji ispunjavaju uslove predviđene konkursom. Rješenje o izboru kandidata donosi predsjednik Pravosudne komisije.

Kandidati koji ne budu izabrani za notara u roku od osam dana od dana izbora notara, dobijaju pismeno obavještenje koje sadrži razloge zbog kojih oni nisu izabrani, kao i podatke o kandidatu koji je izabran za notara. Protiv rješenja o izboru notara može se u roku od osam dana nakon prijema rješenja, odnosno obavještenja uložiti prigovor Pravosudnoj komisiji. Prigovor protiv rješenja o izboru kandidata za notara zadržava izvršenje rješenja. Pravosudna komisija dužna je odlučiti o prigovoru u roku od 30 dana od dana prijema prigovora. Rješenje kojim je odlučeno o prigovoru je konačno. Protiv rješenja kandidat ima pravo na zaštitu svojih prava kod nadležnog suda, odnosno drugih zakonom određenih organa u roku od 30 dana od dana prijema rješenja donesenog po prigovoru.

▪ **Zainteresovani kandidati su obavezni priložiti original ili ovjerenje fotokopije dokumenata, kako slijedi:**

1. Prijavu na konkurs sa biografijom, adresom i kontakt telefonom,
2. uvjerenje o državljanstvu Bosne i Hercegovine, ne starije od 6 mjeseci,
3. izvod iz matične knjige rođenih, ne stariji od 6 mjeseci,
4. uvjerenje o zdravstvenoj sposobnosti, ne starije od 6 mjeseci,
5. diplomu o završenom pravnom fakultetu (ukoliko je diploma stečena na pravnom fakultetu u nekoj drugoj državi, ovaj uslov se smatra ispunjenim nakon nostrifikacije diplome od nadležnog organa u Bosni i Hercegovini, uz akt o nostrifikaciji),
6. uvjerenje o položenom pravosudnom ispitu (ukoliko je pravosudni ispit položen u nekoj drugoj državi, ovaj uslov se smatra ispunjenim nakon priznavanja tog ispita od nadležnog organa u Bosni i Hercegovini),
7. uvjerenje o položenom notarskom ispitu,
8. uvjerenje od nadležnog organa da nije osuđivano za krivična djela protiv čovječnosti i međunarodnog prava, službene ili druge dužnosti, ili za drugo krivično djelo izvršeno s umišljajem, koje u vrijeme imenovanja još nije brisano iz kaznene evidencije koju vodi nadležni organ (ne starije od 6 mjeseci),
9. ovjerena izjava kandidata da nije član političke partije.

Konkurs za izbor notara, objavit će se u jednom dnevnom listu u Federaciji BiH, u jednom dnevnom listu u Republici Srpskoj, u „Službenom glasniku Brčko distrikta BiH“ i na web stranici Pravosudne komisije: www.pkbd.ba

Rok za podnošenje prijave na konkurs iznosi 30 dana od posljednjeg objavljivanja konkursa u dnevnim listovima i „Službenom glasniku Brčko distrikta BiH“, o čemu će zainteresovana lica biti obavještena putem web stranice Pravosudne komisije. Prijave se mogu dostaviti lično ili poštom na adresu:

**PRAVOSUDNA KOMISIJA
BRČKO DISTRIKTA BiH
Trg pravde br.10, 76100 Brčko**

Nepotpune i neblagovremene prijave neće biti uzete u razmatranje.

**PREDSJEDNIK
PRAVOSUDNE KOMISIJE**

Safet Pizović